

Սամաթիա : Կեսարացի Բարուճճի օղլու , եւ ոմն ալեւոր , որ զտետարակն շուրջ անեալ 'ի քաղաքին ամբոխ յարուցեալ է , գլխատեցան 'ի Տիբելի թաշ , 3 Ամիրայք և 2 Եպիսկոպոսունք հանեալ 'ի բանտէ դատապարտեցան յաքսորս ('ի 19 Սեպտեմբերի) . անկաւ ան մեծ 'ի վերայ ազգին Հայոց 'ի թագաւորեալ քաղաքի անդ , զի ոչ կարէին առնել ինչ , ոչ Պատրիարքն և ոչ իշխանաւորք , զի սիրտ Արքայի ծանրացեալ էր 'ի վերայ նոցա ( 1820 ) :

Յոյնք յաիշտակեցին զգերեզմանատեղիս Նեադորականաց և Վրաց , զորս յառաջագոյն գնեալ էին Հայք յայլազդեաց՝ յանհետանալ նոցին յերուսաղէմէ , փոխանորդն Հայոց Եղիա եպիսկոպոս զեգերէր 'ի դրունս այլազդեաց . Յոյնք դիմեցին առ Կուսակալն Դամասկոսի Տէրվիշ Փաշայ , և ամբաստան եղեն զազգէն Հայոց թէ՛ քակեալ զնախնի սահմանս գերեզմանատանց , տիրեալ իցեն միոյ մասին գերեզմանատան նոցին , հակառակ դաշանց եւ պայմանացն : Իսկ Կուսակալն գրեաց առ Դատաւորս Երուսաղէմի , բառնալ զխոսովու թիւնն , քննել զտեղին և ծանուցանել ինքեան , Եղիա Եպիսկոպոս թէպէտ էառ գիր 'ի Քաղաքապետէն Երուսաղէմի մնալ մասին այնմիկ 'ի ձեռս Հայոց ըստ տրամադրութեան Հէօճճէթի Դատարանի , այլ չեղեւ ինչ օգուտ , զի Յոյնք տիրեցին տեղւոյն և եղին նոր սահման ( 1821 ) :

Իսկ Գարրիէլ Պատրիարք գրեաց առ Փոխանորդ Մարկոս եպիսկոպոս 'ի Կոստանդինուպօլիս , յանձն առնել ըզպաշտօն փոխանորդութեան Յակօբ եպիսկոպոսի Լիւսդրացւոյ , որպէս յորդորեալ էր զնա նախ քան զմեկնին յերուսաղէմէ , զի գուցէ դադարեացին Յոյնք ասէր՝ 'ի չարութեանց իւրեանց , այլ նա ոչ ընկալեալ զայն , դարձոյց յետքս զիոնդակն առանց խախտելոյ զկնիք նորին , և գրեաց առ Գարրիէլ տալ զայն պաշտօն Յարութիւն վարդապետի Եդեսացւոյ , աշակերտի Մարկոս եպիսկոպոսի , որպէս և եղեւ իսկ : Եւ զինի աւուրց ինչ մեկնեցաւ ինքն անտի 'ի քաղաք իւր 'ի Լիւսդրա : Գարրիէլ Պատրիարք քանիցս գրով ստիպեաց զնա գալ յԱթոսն , իսկ նա այլ եւ այլ պատճառանօք դեգերէր 'ի կողմանս յայնսսիկ , յերկիւղէ ճանապարհին և 'ի պակասութենէ ծախուց , և Գլխաւորք